



列傳第二十一

南史三十

李

延壽

何尚之

子偃 孫戢 偃弟子求 求弟點  
點弟胤 胤從弟尚之弟子昌寓  
昌寓子敬容

何尚之字彥德廬江瀟人也曾祖準高尚不應徵辟祖恂南康太守父叔度恭謹有行業姨適沛郡劉璩與叔度母情愛甚篤叔度母早卒奉姨若所生姨亡朔望必往致哀并設祭奠食並珍新躬自臨視若朔望應有公事則先遣送祭皆手自料簡流涕對之公事畢即往致哀以此為常三年服竟義熙五年吳興武康縣人王延祖為劫父睦以

南史列傳二十一

告官新制凡劫身斬刑家人棄市睦既自告於法有疑時  
叔度爲尚書議曰設法止姦必本於情理非謂一人爲劫  
闔門應刑所以罪及同產欲開其相告以出造惡之身睦  
父子之至容可悉共逃亡而割其天屬還相縛送解腕求  
於情可愍並合從原從之後爲金紫光祿大夫吳郡太  
守太保王弘每稱其清身絜已尚之少頗輕薄好擣蒲及  
長折節蹈道以操立見稱爲陳郡謝混所知與之游處家  
貧初爲臨津令宋武帝領征西將軍補主簿從征長安以  
公事免還都因患勞病積年飲婦人乳乃得差以從征之  
勞賜爵都鄉侯少帝即位爲廬陵王義真車騎諮議參軍

義真與司徒徐羨之尚書令傅亮等不協每有不平之言  
尚之諫戒不納義真被廢入爲中書侍郎遷吏部郎告休  
定省傾朝送別於冶渚及至郡叔度謂曰聞汝來此傾朝  
相送可有幾客荅曰殆數百人叔度笑曰此是送吏部郎  
耳非關何彦德也昔殷浩亦嘗作豫章定省送別者甚衆  
及廢徙東陽船泊征虜亭積日乃至親舊無復相窺者後  
拜左衛將軍領太子中庶子尚之雅好文義從容賞會甚  
爲文帝所知元嘉十三年彭城王義康欲以司徒長史劉  
斌爲丹楊尹上不許乃以尚之爲之立宅南郭外立學聚  
生徒東海徐秀廬江何曇黃穎川荀子華太原孫宗昌王

延秀魯郡孔惠宣並慕道來游謂之南學王球常云尚之  
西河之風不墜尚之亦云球正始之風尚在尚之女適劉  
濛子黯而湛與尚之意好不篤湛欲領丹楊乃徙尚之為  
刑部尚書領國子祭酒尚之甚不平湛誅遷吏部尚書時  
湛衛將軍范曄任參機密尚之察其意趣異常白文帝宜  
出為廣州若在內豐成不得不加以鈇鉞屢誅大臣有虧  
皇化上曰始誅劉湛等方欲引升後進曄事跡未彰便豫  
相黜斥萬姓將謂卿等不能容才以我為信受讒說但使  
共知如此不憂致大也曄後謀反伏誅上嘉其先見二十  
三年為尚書左僕射是歲造玄武湖上欲於湖中立方丈

蓬萊瀛洲三神山尚之固諫乃止帝又造華林園並置百  
役人尚之又詠上不許曰小人常言曠昔此不足為勞時  
上行幸還多停夜尚之又表諫上優詔約之先是患貨少  
鑄四銖錢人間頗盜鑄多翦鑿古錢以取銅上患之二十  
四年錄尚書江夏王義恭議以一大 當兩以防翦鑿錢  
者多有尚之議曰凡創制改法宜順人情未有違眾矯物  
而可久也泉布廢興驟議前代赤仄白金俄而罷息六貨  
情亂人泣於市良由事不畫一難用遵行自非急病權時  
宜守長世之業若今制遂行富人之貲自倍貧者彌增其  
困懼非所以欲均之意中領軍沈演之以為若以大當兩

劉向傳難朽之寶家贏一倍之利不俟加憲巧源自絕上  
議遂以一錢當兩行之經時公私非便乃罷二十  
九年致仕於方山著退居  
為向書今太子詹事二十九年致仕於方山著退居  
以州守而議者咸謂尚之不能固志文帝與江夏王  
尚不得告謝尚之任遇有殊便當未宜申  
之令其乃錄古來隱上有迹無名者為真隱傳  
或遣重北侵其給我族悉以委之元凶弒立進  
使司空尚書令時三方與義將佐家在都者劾悉欲誅之  
之

郡王義宣車騎將軍臧質反義宣司馬竺超質長史陸展  
兄弟並應從誅尚之上言於法為重超從坐者由是得原  
時欲分荊州置郢州議其所居江夏王義恭蕭思話以為  
宜在巴陵尚之議曰夏口在荆江之中正對沔口通接雍  
梁寔為津要於事為允上從其議荆揚二州戶口居江南  
之半江左以來揚州為根本委荊州以閩外至是並分欲  
以削臣下之權而荆揚並因此虛耗尚之建言宜復合二  
州上不許大明二年以左光祿開府儀同三司侍中如故  
尚之在家常著鹿皮帽及拜開府天子臨軒百僚陪位沈  
慶之於殿庭戲之曰今日何不著鹿皮冠慶之累辭爵命

南史卷二十七  
四  
朝廷敦勸甚苦尚之謂曰主上虛懷側席詎宜固辭慶之  
曰沈公不效何公去而復還也尚之有愧色尚之愛尚文  
義老而不休與大常顏延之少相好狎二人並短小尚之  
常謂延之為獐延之目尚之為猴同游大子西池延之問  
路人云吾二人誰似猴路人指尚之為似延之喜咲路人  
曰彼似猴耳君乃真猴有人嘗求為吏部郎尚之歎曰此  
敗風俗也官當圖人人安得圖官延之大咲曰我聞古者  
官人以才今官人以勢彼勢之所求子何疑焉所與延之  
論議往反並傳於世尚之立身簡約車服率素妻亡不娶  
又無姬妾執衡當朝畏遠權柄親故一無薦舉既以此致

怨亦以此見稱復以本官領中書令薨年七

九贈司空

謚曰簡穆公子偃

偃字仲弘元嘉中位太子中庶子元凶弒立以偃為侍中掌

詔詰時尚之為司空尚書令偃居門下父子並處權要時

為寒心而尚之又偃善攝機宜曲得時譽會孝武即位任遇

無改歷位侍中領太子中庶子時求讜言偃以為宜重衣郵

本并官省事考課以知能否增奉以除吏姦責成良守又於

其職都督刺史宜別其任改領驍騎將軍親遇隆密有加舊

臣轉吏部尚書尚之去選未五載偃復襲其迹世以為榮侍

中顏竣至是始貴與偃俱在門下以文義賞會相得甚歡

竣既任遇隆密謂宜居重大而位次與偃等未殊意稍不  
悅及偃代竣領選竣逾憤懣與偃遂隙竣時權傾朝野偃  
不自安遂發悻病意慮乖僻上表解職告靈不仕孝武遇  
偃既深備加醫療乃得差偃素好談玄注莊子逍遙篇傳  
於時卒官孝武與顏竣詔甚傷惜之謚曰靖子戢

戢字惠景選尚宋孝武長女山陰公主拜駙馬都尉累遷  
中書郎景和世山陰主就帝求吏部郎褚彥回侍已彥回  
雖拘逼終不肯從與戢同居止月餘日由是特申情好元  
徽初彥回參朝政引戢為侍中時年二十九戢以年未二  
十苦辭內侍改授司徒左長史齊高帝為領軍與戢來往

數由懽宴高帝好水引餅戢每設正焉久之復為侍中累  
遷高帝相國左長史建元元年遷散騎常侍太子詹事尋  
改侍中詹事如故上欲轉戢領選問尚書令彥回以戢  
資重欲加散騎常侍彥回曰宋時王球從侍中中書令單  
作吏部尚書資與戢相似領選職方首小輕不容頓加常  
侍聖旨每以蟬冕不宜過多臣與王儉儉既左耳若復加戢  
則八座便有三蟬若帖以駢游亦不為少延以戢為吏部  
尚書加驍騎將軍戢美容儀動止與褚彥回相慕時人號  
為小褚公家業富盛性又華侈衣被服飾為奢麗出為  
天興太守上頗好畫扇宋孝武賜戢蟬雀扇善畫者顧景

秀所畫時吳郡陸探微顧彥先皆能畫歎其巧絕因王  
要獻之上今晏厚酬其意卒年二十六謚懿子女為鬱林  
王后父追贈侍中右光祿大夫

求字子有偃弟也父鑠仕宋位官都太守求元嘉末為  
文帝挽郎歷位太子洗馬丹楊郡丞

求無嗜慾後為大

中舍人泰始中妻亡還吳起舊恩除中書郎不拜仍住  
吳隱居波若寺足不踰戶人莫見其面宋明帝崩出奔國  
哀除永嘉太守求時寄住南澗寺不肯詣臺乞於野外拜  
受見許一夜忽乘小舟逃歸吳隱武丘山齊永明四年拜  
太中大夫不就卒初求父鑠素有風疾無故害其母王氏

坐法死求兄弟以此無宦情求弟點

點字子哲年十一居父母憂幾至滅性及長感家禍欲絕

昏宦尚之強為娶琅邪王氏禮畢將親迎點累涕泣求執

本志遂得罷點明目秀眉容兒方雅真素通美不以門戶

自矜博通群書善談論家本素族親姻多貴仕點雖不入

城府性率到好狎人物遨遊人間不簪不帶以人地並高

無所與屈大言踣踞公卿敬下或乘柴車躡草屨恣心所

適致醉而歸故世論以點為孝隱士弟胤為小隱士大夫

多慕從之時人稱重其通號曰游俠處士兄求亦隱吳郡

武丘山求卒點菜食不飲酒訖于三年腰帶減半宋太始



末徵爲太子洗馬齊初累徵中書侍郎太子中庶子並不  
就與陳郡謝滂吳國張融會稽孔德璋爲莫逆友點門世  
信佛從弟遁以東籬門園居之德璋爲築室焉園有卞忠  
貞家點植花於冢側每飲必舉酒酌之招攜勝侶及名德  
桑門清言賦詠優游自坦初褚彥回王儉爲宰相點謂人  
曰我作齊書已竟贊云回旣世族儉亦國華不賴舅氏違  
恤國家王儉聞之欲候點知不可見乃止豫章王嶷命駕  
造點點從後門遁去司徒竟陵王子良聞之曰豫章王尚  
望塵不及吾當望岫息心後點在法輪寺子良就見之點  
角巾登席子良欣悅無已遺點齏叔夜酒盃徐景山酒鎗

點少時嘗患渴利積歲不愈後在吳中石佛寺建講於講  
所晝寢夢一道人形貌非常授丸一掬夢中服之自此而  
差時人以為淳德所感性通倓好施遠近致遺一無所逆  
隨復散焉嘗行經朱雀門街有自車後盜點衣者見而不  
言旁人禽盜與之點乃以衣施盜盜不敢受點令告有司  
盜懼乃受之點雅有人倫鑒多所甄拔知吳興丘遲於幼  
童稱濟陽江淹於寒素悉如其言哀樂過人嘗行逢葬者  
歎曰此哭者之懷豈可思邪於是悲慟不能禁老又娶魯  
國孔嗣女嗣亦隱者點雖昏亦不與妻相見築別室以處  
之人莫諭其意吳國張融少時免官而爲詩有高言點答

詩曰昔聞東都日不在簡書前雖戲而融久病之及點後  
昏融始為詩贈點曰惜哉何居士薄暮遘荒淫點亦病之  
永元中崔惠景圍城人間無薪點悉伐園樹以贍親黨惠  
景性好佛義先慕交點點不顧之至是乃逼召點點裂裘  
為袴往赴其軍終日談說不及軍事其語默之迹如此惠  
景平後東昏大怒欲誅之王瑩為之懼求計於蕭暢暢謂  
茹法珍曰點若不誘賊共講未必可量以此言之乃應得  
封東昏乃止梁武帝與點有舊及踐阼手詔論舊賜以鹿  
皮巾等并召之點以巾褐引入華林園帝贈詩酒恩禮如  
舊仍下詔徵為侍中捋帝鬚曰乃欲臣老子辭疾不起復

下詔詳加資給並出在所日費所須太官別給天監二年  
卒詔給第一品材具喪事所須內監經理點弟胤

胤字子季出繼叔父曠故更字胤叔年八歲居憂毀若成  
人及長輕薄不羈晚乃折節好學師事沛國劉瓛受易及  
禮記毛詩又入鍾山定林寺聽內典其業皆通而縱情誕  
節時人未之知也唯瓛與汝南周顥深器異之仕齊為建  
安太守政有恩信人不忍欺每伏臘放囚還家依期而反  
歷黃門侍郎太子中庶子尚書令王儉受詔撰新禮未就  
而卒又使特進張緒續成緒又卒屬在司徒竟陵王子良  
子良以讓胤乃置學士二十人佐胤撰錄後以國子祭酒

南史列傳二十一  
與太子中庶子王瑩並為侍中時胤單作祭酒疑所服陸澄博古多該亦不能據遂以玄服臨試爾後詳議乃用朱服祭酒朱服自此始也及鬱林嗣位胤為后族甚見親待為中書令領臨海巴陵王師胤雖貴顯常懷止足建武初已築室郊外恒與學徒游處其內至是遂賣園宅欲入東未及發聞謝朓罷吳興郡不還胤恐後之乃拜表解職不待報輒去明帝大怒使御史中丞袁昂奏收胤尋有詔許之胤以會稽山多靈異往游焉居若邪山雲門寺初胤二兄求點並棲遁求先卒至是胤又隱世號點為大山胤為小山亦曰東山兄弟發迹雖異克終皆隱世謂何氏三高

永元中徵為太常太子詹事並不就梁武帝朝建引為軍謀祭酒并與書詔不至及帝踐阼詔為持進光祿大夫遣領軍司馬王杲之以手敕諭意并徵謝朓杲之先至胤所胤恐朓不出先示以可起乃單衣鹿皮巾執經卷下牀跪受詔出就席伏讀胤因謂杲之曰吾昔於齊朝欲陳三兩條事一者欲正郊丘二者欲更鑄九鼎三者欲樹雙闕世傳晉室欲立闕王丞相指牛頭山云此天闕也是則未明立闕之意闕者謂之象魏懸法於其上浹日而收之象者法也魏者當塗而高大貌也鼎者神器有國所先圓丘國郊舊典不同南郊祠五帝靈威仰之類圓丘祠天皇大

帝北極大星是也往代合之郊丘先儒之巨失今梁德告  
始不宜遂因前謬卿宜陳之杲之曰僕之鄙劣豈敢輕議  
國典此當敬俟叔孫生耳及杲之從謝胡所還問胤以出  
期胤知胡已應召荅杲之曰吾年已五十七月食四斗米  
不盡何容復有宦情杲之失色不能荅胤反謂曰卿何不  
遣傳詔還朝拜表留與我同游邪杲之愕然曰古今不聞  
此例胤曰檀弓兩卷皆言物始自卿而始何必有例胤胡  
俱前代高士胤處名譽尤邁矣杲之還以胤意奏聞有敕  
給白衣尚書祿胤固辭又敕山陰庫錢月給五萬又不受  
乃敕何子朗孔壽等六人於東山受學太守衡陽王元簡

加禮敬胤由是命駕式問談論終日胤以若邪巖  
堅不容學徒乃遷秦望山山有飛泉迺起學舍即林成接  
因巖爲堵別爲小閣室寢處其中躬自啓閉僮僕無得至  
者山側營田二頃講隙從生徒游之胤初遷將築室忽見  
二人著玄冠容貌甚偉問胤曰君欲居此邪乃指一處云  
此中殊吉忽不復見胤依言而卜焉尋而山發洪水樹石  
皆倒拔唯胤所居室巋然獨存元簡乃命記室參軍鍾嶸  
作瑞室頌刻石以旌之及元簡去郡入山與胤別胤送至  
都賜埭去郡三里因曰僕自棄人事交游路斷自非降貴  
山藪豈容復望城邑此埭之游於今絕矣執手涕零何氏

過江自晉司空充並葬吳西山胤家世年皆不永唯祖尚  
之至七十二胤年登祖壽乃移還吳作別山詩一首言甚  
悽愴至吳居武丘山西寺講經論學僧復隨之東境守宰  
經途者莫不畢至胤常禁殺有虞人逐鹿鹿徑來趨胤伏  
而不動又有異鳥如鶴紅色集講堂馴狎如家禽初開善  
寺藏法師與胤遇於秦望山後還都卒於鍾山死日胤  
在波若寺見一名僧授胤香炉奩并函書云貧道發自揚  
都呈何居士言訖失所在胤開函乃是大莊嚴論世中未  
有訪之香炉乃藏公所常用又於寺內立明珠柱柱乃七  
日七夜放光太守何遠以狀啓昭明太子太子欽其德遣

舍人何思澄致手令以褒美之中大通三年卒年八十六  
先是胤妻江氏夢神告曰汝夫壽盡既有至德應獲延  
期爾富代之妻覺說焉俄得患而卒胤疾乃瘳至是胤夢  
見一神女拜八十許人並衣帔行列在前俱拜牀下覺又  
見之便命營凶具既而疾困不復瘳初胤侈於味食必方  
丈後稍欲去其甚者猶食白魚鮓脯糖蟹以為非見生物  
疑食蚶蠣使門人議之學生鍾岢曰鮓之就脯驟於屈申  
蟹之將糖躁擾彌甚仁人用意深懷如恒至於車螯蚶蠣  
眉目內闕慙渾沌之奇獮殼外絨非金人之慎不悴不榮  
曾草木之不若無馨無臭與瓦礫其何算故宜長充庖厨

永爲口實竟陵王子良見岷議大怒汝南周顒與胤書勸  
令食菜曰變之大者莫過死生生之所重無逾性命性命  
之於彼極切滋味之在我可賒若云三世理誣則幸矣良  
快如使此道果然而受形未息一往一來生死常事則傷  
心之慘行亦自及丈人於血氣之類雖不身踐至於晨晷  
夜鯉不能不取備屠門財貝之經盜手猶爲廉士所棄生  
性之一啓鑿刀寧復慈心所忍騶虞雖飢非自死之草不  
食聞其風者豈不使人多媿丈人得此有素聊復片言發  
起耳故胤末年遂絕血味胤注百論十二門論各一卷註  
周易十卷毛詩總集六卷毛詩隱義十卷禮記隱義二十

卷禮答問五十五卷子撰亦不仕有高風

何炯字士光胤從弟也父搏中大夫炯年十五從胤受  
業一暮並通五經章句白哲天容貌從兄求點每曰叔賢  
袖清杜又膚清今觀此子復晉之衛杜在目從兄戢謂人曰  
此子非止吾門之寶亦爲一八八偉人炯常慕恬退不樂進  
仕從叔昌胤謂曰求點皆已下向蹈汝無宜復爾且君子出  
處亦各一途年十九解褐揚州主簿舉秀才累遷梁仁威  
南康王限內記室書侍御史以父疾陳解炯侍疾踰旬衣  
不解帶頭不櫛沐信宿之間形貌頓改及父卒號慟不絕  
聲藉地腰脚虛腫醫云須服猪蹄湯炯以有肉味不肯服

親友請譬言終於不回遂以毀卒先是謂家人曰王孫玄晏  
所尚不同長魚慶緒於事為得必須儉而中禮無取苟異  
月朝十五日可置一甌麤粥如常日所進又傷兩兄並淡  
仕進故祿所不及恐而今而後溫飽無資乃漉然下泣自  
外無所言

何昌寓字儼望尚之弟子也父佟之位侍中昌寓少而清  
靖獨立不羣所交者必當世清名是以風流籍甚仕宋為  
尚書儀曹郎建平王景素征北南徐州府主簿以風素見  
重母老求祿出為湘東太守還為齊高帝驃騎功曹昌寓  
在郡景素被誅昌寓痛之至是啓高帝理其寃又與小吏

褚彥回書極言之高帝嘉其義歷位中書郎王儉衛軍長  
史儉謂昌寓曰後任朝事者非卿而誰臨海王昭秀為荆  
州以昌寓為西中郎長史南郡太守行荊州事明帝將踐  
阼先使裴叔業贊旨詔昌寓令以便宜從事昌寓拒之曰  
國家委身以上流之重付身以萬里之事臨海王未有失  
寧得從君單詔邪即時自有啓聞須反更議叔業曰若爾  
便是拒詔拒詔軍法行事耳荅曰能見殺者君也能拒詔  
者僕也君不能見殺政有公流之計耳昌寓素有名德叔  
業不敢逼而退上聞而嘉之昭秀由此得還都昌寓後為  
吏部尚書嘗有一客姓閔求官昌寓謂曰君是誰後荅曰

子騫後昌寓團扇掩口而笑謂坐客曰迺一華胄昌寓不  
雜交游通和汎愛歷郡皆以清白稱後卒於侍中領驍騎  
將軍贈太常謚曰簡子子敬容

敬容字國禮弱冠尚齊武帝女長城公主拜駙馬都尉梁  
天監中為建安內史清公有子天績吏人稱之累遷守吏部  
尚書銓序明審號為稱職出為吳郡太守為政勤恤人隱  
辯訟如神視事四年政為天下第一吏人詣闕請樹碑詔  
許之復為吏部尚書侍中領太子中庶子敬容身長八尺  
白皙美鬚眉性矜莊衣冠鮮麗武帝雖衣浣衣而左右衣  
必須潔嘗有侍臣衣帶卷摺帝怒曰卿衣帶如繩欲何所

縛敬容希言故益鮮明常以膠清刷鬚衣裳不整伏牀屨  
之或暑月背為之焦每公庭就列容止出人為尚書右僕  
射參掌選事遷左僕射丹楊尹並參掌大選如故敬容接  
對宿朋言詞若訥訓荅二宮則音韻調暢大同中朱雀門  
災武帝謂羣臣曰此門制狹我始欲改構遂遭天火相顧  
未荅敬容獨曰此所謂先天而天不違時以為名對五年  
改為尚書令參選事如故敬容又處臺閣詳悉晉魏以來  
舊事且聰明識達勤於簿領詰朝理事日旰不休職隆任  
重專積機密而拙於草隸淺於學術通包苴餉餽無賄則  
略不交語自晉宋以來宰相皆文義自逸敬容獨勤庶務



貧怯為時所嗤鄙其署名敬字則大作苟小為文容字大為口陸倕戲之曰公家苟既奇大父亦不小敬容遂不能答又多漏禁中語故嘲謂日至嘗有客姓吉敬容問卿與邴吉遠近答曰如明公之與蕭何時蕭琛子巡頗有輕薄才因製卦名離合等詩嘲之亦不屑也帝嘗夢具朝服入太廟拜伏悲感且於延務殿說所夢敬容對曰臣聞孝悌之至通於神明陛下性與天道故應感斯夢上極然之便有拜陵之議後坐妾弟費惠明為導倉丞夜盜官米為禁司所執送領軍府時河東王譽為將軍敬容以書解惠明譽前經屬事不行因此即封書以奏帝大怒付南司推劾

史中丞張紘奏敬容協私罔上合棄市詔特免職到溉朱异曰天時便覺開霽其見嫉如此初沙門釋寶誌嘗敬容曰君後必貴終是何敗耳及敬容為宰相謂何姓當為其禍故抑沒宗族無仕進者至是竟為河東所敗中大同元年三月武帝幸同泰寺講金字三惠經敬容啓預聽敕許之又起為金紫光祿大夫未拜又加侍中敬容舊時賓客門生誼譁如昔異其復用會稽謝郁致書戒之曰草萊之人聞諸道路君侯已得瞻望朝夕出入禁門醉尉將不敢呵灰然不無其漸甚休敢賀於前又將弔也昔流言裁至公曰東奔燕書始來子孟不入夫聖賢被虛過以

自斥未有嬰時豈而求親者也且暴鯁之魚不念杯酌之  
水雲霄之翼豈顧籠樊之糧何者所託已盛也昔君侯納  
言加首鳴玉在腰回豐貂以步文昌聳高蟬而趨武帳可  
謂盛矣不以此時薦才拔士少報聖主之恩今卒如爰然  
之說受責見過方恒欲更窺朝廷觖望萬分竊不爲左右  
取也昔竇嬰楊惲亦得罪時不能謝絕賓客猶交黨援卒  
無後福終益前禍僕之所弔實在於斯人人所以頗猶有  
踵君侯之門者未必皆感惠懷仁有灌夫任安之義乃戒  
翟公之大畧異君侯之復用也夫在思過之日而挾復用  
之意未可爲智者說矣夫君侯宜杜門念失無有所通築

茅茨於鐘阜聊寫存以卒歲見可憐之意著待終之情復  
仲尼能改之言惟子貞更也之譬少戢言於衆曰微自救  
於竹帛所謂失之東隅收之桑榆如此令明主聞知尚有  
異也僕東臯鄙人入穴幸無銜囊耻天下之士不爲執事  
道之故披肝膽示情素君侯豈能鑒焉本清元年遷米子  
詹事侍中如故二年侯景建都敬容自府移家臺內負  
渦陽退敗未得審實傳者乃云其將暴顯反景身與衆並  
沒朝廷以爲憂敬容尋見東宮簡文謂曰准比始更有信  
侯景定得身免敬容曰得景遂死深是朝廷之福簡文失  
色問其故對曰景讎覆叛臣終當亂國是年簡文頻於玄

圃自講老莊二書學士吳孜時寄詹事府每日入聽敬容  
謂孜曰昔晉氏喪亂頗由祖尚虛玄胡賊遂覆中夏今東  
宮復襲此殆非人事其將為戎乎俄而侯景難作其言有  
徵也三年卒于園內何氏自晉司空充宋司空尚之奉佛  
法並建立塔寺至敬容又捨宅東為伽藍趨權者因助財  
造構敬容並不拒故寺堂宇頗為宏麗時輕薄者因呼為  
聚造寺及敬容免職出宅止有常用器物及囊衣而已竟  
餘財貨時亦以此稱之敬容特為從兄胤所親愛胤在  
山嘗疾篤有書云田疇館宇悉奉衆僧書經並歸從  
其見知如此敬容唯有一子年始八歲在吳臨還

與胤別胤問名敬容曰仍欲就兄求名胤即命紙筆名曰  
穀曰書云兩玉曰穀吾與弟二家共此一子所謂穀也位  
祕書丞早卒

論曰尚之以雅道自居用致公輔行已之迹動不踰閑及  
乎洗閣取譏皮冠獲誚貞粹之地高人未之全許然父子  
一時並處權要雖經屯諛咸以功名自卒古之所謂巧宦  
此之謂乎點胤弟兄俱云遁逸求其蹈履則非曰山林察  
其持身則未捨名譽觀夫子哲之赴惠景子秀之矯敬冲  
以迹以心居然可測而高自標致一代歸宗以之入用未  
知所取斯殆虛勝之風江東所尚不然何以至於此也昌

寓雅仗名節殆曰人望故容材實幹蠱賄而敗業惜乎

列傳第二十

南史三十

列傳第二十一

南史三十一

李

延壽

張裕

子永代

成兄子緒

緒子完

完子

來子環

環子率

率弟盾

環弟穆

穆從子種

張裕字茂度吳郡吳人也名與宋武帝諱同故以字稱曾  
祖澄晉光祿大夫祖彭祖廣州刺史父敞侍御史度支尚  
書吳國內史茂度仕為宋武帝太尉主簿揚州中從事累  
遷別駕 帝西伐劉毅北伐關洛皆居守留任州事出為  
都督廣州刺史平越中郎將綏靜百越嶺外安之元嘉元  
年為侍中都督益州刺史帝討荊州刺史謝晦詔益州遣

軍襲江陵晦平西軍始至白帝茂度與晦素善議者疑其  
出軍遲留弟邵時為湘州刺史起兵應天駕上以邵誠即  
故不加罪累 天常以脚疾出為義興太守上從容謂曰  
勿以西蜀介懷對曰臣不遭陛下之明墓木拱矣後為都  
目尚書以疾就拜光祿大夫加金章紫綬茂度內足於財  
口絕人事經始本縣之華山為居止優游野澤如此者七  
八年除會稽太守素有吏能職事甚理卒於官謚曰  
演位太子中舍人演四弟鏡求辯代復知名時謂  
以龍鏡少與光祿大夫顏延之鄰居顏談義飲酒  
而鏡靜默無言聲後鏡與客談延之從籬邊聞

林坐聽 我清玄延之心服謂客曰彼有人焉由  
復酣叫仕至新安太守演鏡兄弟中名最高餘並不  
初裕曾祖澄富葬父郭璞為占墓地曰葬其處年過百  
歲位至三司而子孫不蕃其處年幾減半位裁鄉 似而累  
貴顯澄乃葬其少處位光祿年六十四而云 丁孫遂  
云

水字景 為郡主簿 兼遷尚書中兵郎先是尚書中條  
則繁雜元嘉十八年欲加脩撰徙求為刪定郎掌其任二  
十二年除建康令所居皆有稱績又除廣陵王誕北中郎  
錄事參軍求涉獵書史能為文章善隸書騎射雜藝觸類

兼善又有巧思益為文帝所知紙墨皆自營造上每得永表啓輒執玩咨嗟自嘆供御者了不及也二十三年造華林園玄武湖並使永監統凡所制置皆受則於永永既有不能每盡心力文官謂堪為將二十九年以永為揚威將軍雒州刺史加都督王玄謨申坦等諸將經略河南進攻碓礮累旬不拔為魏軍所殺其衆永即夜撤圍退軍不報生諸將衆軍驚擾為魏所乘死敗塗地永及申坦並為統府撫軍將軍蕭思話所繫入歷城獄文帝以屢征無功將不可任詔責永其與思話又與江夏王義恭書曰早知諸將意如此恨不以白刃驅之今之悔何所及三十年

元凶弒立起永為青州刺史及司空南譙王義宣起義又改永為冀州刺史加都督永遣司馬崔勳之中兵參軍劉宣則二軍馳赴國難時蕭思話在彭城義宣慮二人不相諧緝與思話書勸與永坦懷又使永從兄長史張暢與永書勗之使遠慕廉蔭在公之德近効平勃亡私之美事平召為江夏王義恭大司馬從事中郎領中兵孝武孝建元年減質反遣永輔武昌王渾鎮京口大明三年累遷廷尉上謂曰卿既與釋之同姓欲使天下復無冤人永曉音律太極殿前鍾聲嘶孝武嘗以問永永荅鍾有銅滓乃扣鍾求其處齧而去之聲遂清越明帝即位為青冀二州刺史

監四州諸軍事統諸將討徐州刺史薛安都累戰尅捷破薛索兒又遷鎮軍將軍尋為南兖州刺史加都督時薛安都據彭城請降而誠心不款明帝遣朮與沈攸之重兵迎之加督前鋒諸軍事進軍彭城安都招引魏兵既至朮狼狽引軍還為魏軍追大敗復遇寒雪士卒離散朮脚指斷落僅以身免失其第四子三年徙會稽太守加都督將軍如故以北行失律固求自貶降號左將軍朮痛悼所失之子有兼常哀服制雖除猶立靈坐飲食衣服待之如生每出行常別具名車好馬號曰侍從有軍事輒語左右報郎君知也以破薛索兒功封孝昌縣侯在會稽賓客有謝方

童阮須何達之等竊其權賦貨盈積方童等坐獄死朮又降號冠軍將軍廢帝即位為右光祿大夫侍中領突厥王師出為吳郡太守元徽二年為征北將軍南兖州刺史加都督朮少便驅馳志在宣力其為將帥能與士卒同甘苦朝廷所給賜脯餼必朮坐齋割手自頒賜年雖已老志氣未衰優游閑任意甚不樂及有此授喜悅非常即日命駕還都未之鎮遇桂陽王休範作亂朮率所領屯白下休範至新亭前鋒攻南掖門朮遣人覘賊既反唱言臺城陷朮衆潰棄軍還以舊臣不加罪止免官削爵以愧發病卒休字景山州辟從事累遷東遷令時殷沖為吳興太守謂

人曰張東遷親貧須養所以棲遲下邑然名器方顯終當  
大至後爲司徒左西曹掾母年八十籍注未滿公便去官  
從實還養有司以公違制將欲糾舉宋孝武曰觀過可以  
知仁不須察也累遷山陰令職事閑理巴陵王休若爲北  
徐州未親政事以公爲冠軍諮議參軍領彭城太守行府  
州國事後臨海王爲征虜將軍廣州豫章王爲車騎揚州  
晉安王爲征虜南兖州公歷爲三府諮議三王行事與典  
籤主帥共事事舉而情得或謂公曰主王既幼執事多門  
而母能緝和公私云何致此公曰古人言一心可以事百  
君我爲政端平待以物以禮悔之足事無由而及明闇短長

更是才用多少耳入爲黃門以新安王子鸞以盛寵爲南  
徐州割具郡屬爲高選佐史孝武公謂曰卿美效鳳著  
兼資官已多今欲用卿爲子鸞別駕摠刺史之任無謂小  
屈級當大申也帝以累遷吏部郎泰始末爲吳興太守元  
徽中爲益州刺史加都督數年益土安其政累遷吏部尚  
書王儉爲吏部郎時專斷曹事公每相違執及儉爲宰相  
以此頗不相善兄子瓌弟恕誅吳郡太守劉遐齊高帝欲  
以恕爲晉陵郡公曰恕未閑從政美錦不宜濫裁高帝曰  
恕爲人我所悉其又與瓌同勲自應有賞公曰若以家貧  
賜祿此所不論語功推事臣門之耻加散騎常侍建元元



年中詔序朝臣欲以右僕射擬岱褚彥回謂得此過優若別有忠誠特宜升引者別是一理詔更量出為吳郡太守尚帝知岱歷任清直至郡未幾手敕曰大郡任重乃未欲更換但摠戎務毅宜須望實今用卿為護軍加給事中岱拜竟詔以家為府武帝即位復為吳興太守岱晚節在吳興更以寬恕著名遷充州刺史未拜卒岱初作遺命分張家財封置箱中家業張減隨復改易如此十數年謚曰貞子

緒字思曼岱兒子也父演宋太子中舍人緒少知名清簡寡欲從伯敷及叔父鏡從叔暢並貴異之鏡比之樂廣敷

云是我輩人暢言於孝武帝用為尚書舍部郎都令史詳

郡縣米事緒蕭然直視以經懷宋明帝每見緒輒歎

其清淡轉太子中庶子州太中正遷司徒左長史吏部

尚書奏樂言於帝曰臣觀張緒有正始遺風宜為官職復

轉中庶子後為侍中吏部郎參掌大選元徽初東宮官

屬選書舍人王僧虔格外記室緒以儉人地兼美官轉

選書舍人又遷侍中嘗私謂客曰一生不解作諾有

事來來者皆回者由是出為吳郡太守緒初不知也昇

二年自祠部尚書為齊高帝大傅長史建元元年為中

書舍人緒善談玄深日異僕射王儉嘗云緒過江所未有

其言可求之耳不知陳仲弓黃叔度能過之不駕幸莊嚴  
老聶僧達道人講維摩坐遠不開緒言上難移緒乃遷僧  
達以近之時帝欲用緒為右僕射以問王儉儉曰緒少有  
清望誠美選也南士由來少居此職翟彥回曰儉少年或  
本憶耳江左用陸玩顧和皆南人也儉曰晉氏衰政不可  
為則先是緒諸子皆輕俠中子充少時又不護細行儉又  
以為言乃止及立國學以緒為太常卿領國子祭酒以王  
延之代緒為中書令何點歎曰晉以子敬季琰為此職全  
王延之張緒為之可謂清官後接之者實為未易緒長  
公周易言精理奧見宗一時帝云何平叔不解易中七事

武帝即位轉吏部尚書

始故末明二年領南郡王師

加給事中三年轉太子

給事如故緒每朝見武帝

目送之謂王儉曰緒以

以德貴緒遷散騎常侍

金紫光祿大夫師如故

十人復領中正長沙王

晃屬選用吳郡聞人邕

緒以資籍不當執不許

晃遺書於緒固請之緒

謂晃信曰此是身家州鄉殿

下何得見逼乃止緒吐

衄風流聽者皆忘飢疲見者肅然

如在宗廟雖終日與居

莫能測焉劉俊之為益州獻弱柳

數株枝條甚長狀若經

縷時舊宮芳林苑始成武帝以植

於太昌靈和殿前常賞

玩咨嗟曰此楊柳風流可愛似張

緒當年時其見賞愛如此王儉爲尚書令丹楊尹時諸令  
史來問訊有一令史善俯仰進止可觀儉賞異之問曰經  
與誰共事荅云十餘歲在張令門下儉目送之時尹丞殷  
存至在坐曰是康成門人也七年竟陵王子良領國子祭  
酒武帝敕王晏曰吾欲令司徒辭祭酒以授張緒物議以  
爲如何子良竟不拜以緒領國子祭酒緒口不言利有財  
輒散之清談端坐或竟日無食門生見緒飢爲之辦飧然  
未嘗求也死之日無宅以殯遺命凶事不設柳髮上以蘆  
葭輜車引柩靈上置盃水香火不設祭從弟融敬緒事之  
如親兄齋酒於緒靈前酌飲慟哭曰阿兄風流頓盡追贈

散騎常侍特進光祿大夫謚簡子子完宋後廢帝時爲正  
負郎險行見寵坐廢錮完弟允永明中安西功曹涇通殺  
人伏法允兄充知名

充字延符少好逸遊緒嘗告歸至吳始入西郭逢充擁右  
臂鷹左牽狗遇緒船至便放紕脫鞴拜於水次緒曰一身  
兩役無乃勞乎充跪曰元聞三十而立今充二十九矣請  
至來歲緒自過而能改顏氏子有焉及明年便儉改多所  
該通尤明老易能清言與從叔稷俱有令譽歷尚書殿中  
郎武陵王友時尚書令王儉當朝用事齊武帝皆取決焉  
儉方聚親賓充穀巾葛帔至便求酒言論放逸一坐盡傾

及聞武帝欲以緒為尚書僕射儉執不可充以為愠與儉  
書曰頃日路長霖霞韜晦涼暑未平想無虧攝充幸以漁  
釣之閑鎌採之暇時復引軸以自娛逍遙乎前史從橫萬  
古動默之路多端紛綸日年升降之塗不一故金剛水柔  
性之別也圓行方止器之異也善御性者不違金水之質  
善為器者不易方圓之用充生平少長偶不以利欲干懷  
三十六年差得以棲貧自澹介然之志峭聳霜崖確乎之  
情峯橫海岸至如影纓大閣既謝廊廟之華綴組雲臺終  
愧衣冠之秀寔由氣岸冰凝情塗猶隔獨師懷抱不見許  
於俗人孤秀神產每遭回於世長群魚鳥畢景松阿難

復玉沒於訪珪之辰桂掩於搜芳之日汎於漁父之迹  
偃息於卜居之會如此而已充何識哉若夫驚巖曠阜日吐  
海逢天竅石崩尋分危落仞桂蘭綺靡叢雜於山幽松柏  
陰森相繚於澗側元卿於是乎不歸伯休亦以茲長往至  
於飛竿釣渚濯足滄洲獨浪煙霞高卧風月悠悠琴酒岫  
遠誰來灼灼文言空擬方寸不覺鬱然千里路隔江川每  
至西風何嘗不歎丈人歲路未強李優而仕道佐蒼生功  
橫海望可謂德盛當時孤松獨秀者也而茂陵之彥望冠  
蓋而長懷渭川之阮佇簪裾而竦歎得無惜乎充崐西百  
姓岱表一人蠶而衣耕而食不能事主侯覓知已造時人

騁游說容與於屠博之間其權甚矣然舉世皆謂充為狂  
充亦何能與諸君道之哉是以披聞見掃心胃述平生論  
語默所可通夢交魂推襟送抱者唯丈人而已闕廷臆阻  
書罷莫因儻遇樵夫妾塵執事儉以為脫略弗之重仍以  
書示緒緒杖之一百又為御史中丞到搗所奏免官禁錮  
沈約見其書歎曰充始為之敗終為之成久之為司徒諮  
議參軍與琅邪王思遠同郡陸惠曉等並為司徒竟陵王  
賓客累遷義興太守為政清淨吏人便之後為侍中梁武  
帝兵至建鄴東昏逢殺百官集西鍾下召充充不至武帝  
霸府建以充為大司馬議參軍天監初歷太常卿吏部

尚書居選以平允稱再遷散騎常侍國子祭酒登堂講說  
皇太子以下皆至時王侯多在旁執經以拜充胡立

不敢當再遷尚書僕射頃之出為吳郡太守丁車恤貧老  
故舊莫不忻悅卒於吳郡謚曰穆子子最嗣

瓌字祖逸宋征北將軍南兖州刺史永之子也仕宋累遷  
桂陽內史不欲前兄瑋處祿自免不拜後為司徒右長史  
通直散騎常侍驍騎將軍初瓌父永拒桂陽王休範於白  
下敗績阮佃夫等欲加罪齊高帝固申明之瓌由此感恩  
自結後遭父母喪還吳持服昇明元年劉彥節有異圖弟  
遐為吳郡潛相影響高帝密遣殿中將軍卞白龍令瓌取

選諸張世有豪氣瓌宅中常有父時舊部日數百選召瓌  
委以軍事瓌偽受命與叔怒領兵十八人入郡斬之郡內  
莫敢動事捷高帝以告左軍張冲冲曰瓌以百口一擲出  
手得盧矣即授吳郡太守錫以嘉名封義城縣侯從弟融  
聞之與瓌書曰吳郡何晚何須王反聞之嗟驚乃是阿兄  
郡人顧嵩陸閑並少年未知名瓌並引為綱紀後並立名  
世以為知人齊建元元年改封平都侯遷侍中與侍中沈  
文季俱在門下高帝常謂曰卿雖我臣我親卿不異曠疑  
等文季每還直器物若遷瓌止朝服而已時集書每兼門  
下東省實多清貧有不識瓌者常呼為散騎出為吳興太

瓌以既有國秩不取郡奉高帝敕上庫別藏其奉以養

業清武帝即位為寧蠻校尉雍州刺史加都督徵拜左戶  
尚書加右軍將軍還後安陸王綽臨雍州行部登曼山有  
野老來乞縞問何不事產而行乞邪荅曰張使君臨州理  
物百姓家得相保後人政嚴故至行乞縞由是深加嗟賞  
後拜太常自謂閑職輒歸家武帝曰卿輩未富貴謂人不  
與既富貴那復欲委去瓌曰陛下御臣等若養馬無事就  
閑廐有事復牽來帝猶怒遂以為散騎常侍光祿大夫贊  
拜之廢朝臣到宮門參承明帝瓌託脚疾不至海陵立明  
帝疑外藩起兵以瓌鎮石頭督衆軍事瓌見朝廷多難遂

南史列傳二十一  
十一  
節疾建武末屢啓求還吳見許居室豪富伎妾盈房或  
譏其衰暮魯叟佞環曰我少好音律老而方解平生嗜欲  
還後一存唯未能遣此耳明帝疾甚防疑大司馬王敬則  
環平東將軍吳郡太守以爲之備及敬則反環遣兵迎  
於松江聞敬則軍鼓聲一時散走環棄郡逃人間事平  
還郡爲有司奏免官削爵永元初爲光祿大夫三年梁  
武帝起兵東昏假環節戍石頭尋棄城還宮梁天監元年  
拜給事中右光祿大夫以脚疾拜於家四年卒環有子十  
二人常云中應有好者子率知名

字士簡性寬雅十二能屬文常日限爲詩一篇或

不作則退補之稍進作賦頌至年十六向作二

虞訥者見而詆之率乃一旦焚毀更爲詩示焉

訥便句句嗟稱無字不善率曰此吾作也訥慙

少玄家有父澄書萬餘卷率與少玄善遂通書籍盡讀止

書建武三年舉秀才除太子舍人與同郡陸倕陸歡幼相

及狎嘗同載詣左衛將軍沈約遇任昉在焉約謂昉曰此

子後進才秀皆南金也卿可識之由此與昉友梁天監

初爲司徒謝朓掾直文德特詔省敕使抄乙部書又使撰

官婦人事使工書人琅邪王琛吳郡范懷約等寫給後宮

率取假東歸論者謂爲傲世率懼乃爲待詔賦奏之甚見

稱賞手敕答曰相如工而不敏枚臯速而不工卿可謂兼  
一子於金馬矣又侍宴賦詩武帝別賜率詩曰東南有才子  
子故能服官政余雖慙古昔得人今為盛率奏詩往反六  
首後引見於玉衡殿謂曰卿東南物望朕宿昔所聞卿言  
宰相是何人不從天下不由地出卿名家奇才若復以禮  
律為意便是其久秘書丞天下清官東南望曹未有為之  
者今以相處為卿定名譽尋以為秘書丞掌集書詔策因  
年禊飲華光殿其日河南國獻赤龍駒能拜伏善舞詔率  
與到漑周興嗣為賦武帝以率及興嗣為工其年父憂去  
職有父時奴數十人其善謳者有色貌邑子儀也

之求媿謳者不願遂出家為尼嘗因齋會率宅琬之乃飛  
書言與率毒南司以事奏聞武帝惜其才寢止不奏然猶致  
詩論服闋久之不仕七年除中權建安王中記室參軍俄  
直壽光省脩丙丁部書抄累遷晉安王宣惠詔議參軍率  
在府十年恩禮甚篤後為揚州別駕率雖歷居職務未嘗  
留心簿領及為別駕奏事武帝嘗問之並無對但答云  
事在牒中帝不悅後歷黃門侍郎出為新安太守丁所生  
母憂率率嗜酒不事於家務尤恣懷在新安遣家僮載米  
三千石還宅及至遂耗米半率問其故答曰雀鼠耗率  
而曰壯哉雀鼠竟不研問自少為屬文七略及藝文志所



載詩賦今亡其文全自是補作之所著文衡十五卷文集四十卷行於世子長公率弟有

眉字一宣以謹重稱為無錫令遇劫問劫何須劫以刀斫其頸眉目咄咄不易餘無所言於是生資皆盡不以介懷為湘東王記室出監富陽令廓然獨處無所用心身死之日家無遺財唯有文集并書千餘卷酒米數甕而已

穆字公喬環弟也幼有孝性所生母劉無寵遘疾時穆年十一侍養衣不解帶每刺則累夜不寢及終毀瘠過人杜川後起見年輩幼童輒哽咽泣淚州里謂之淳孝長兄瑋言彊筆以劉氏先執此伎聞瑋為清調便悲感頓絕遂

身不聽之性疎率 悟有才略起家著作佐郎不拜父

求及嫡母丘相繼殂六年廬于墓側齊永明中為豫章

疑主簿與彭城劉繪俱見禮接未嘗被呼名每呼為劉四

張五以貧求為剡令略不視事多為小山遊會山賊唐厲

之作亂穆率厲部人保全縣境所生母劉先假葬琅邪黃

山建武中改申葬禮賻助委積於時雖不拒絕事畢隨以

還之自幼及長數十年中常設劉氏神坐出告反面如事

生為歷給事中黃門侍郎新興永寧二郡太守郡犯私諱

改永寧為長寧永元末為侍中宿衛宮城梁武師至兼衛

尉江淹出奔穆兼衛尉副王瑩都督城內諸軍事時東

民淫虐北徐州刺史王珍國就稷謀乃使直閣張齊行弒  
于舍德殿稷乃召右僕射王亮等列坐殿前西鍾下議遣  
國子博士范雲中書舍人裴長穆等使石頭城詎武帝以  
稷為侍中左衛將軍遷大司馬左司馬梁朝建為散騎常  
侍中書令及上即位封江安縣子位領軍將軍武帝嘗於  
樂壽殿內宴稷醉後言多怨辭形於色帝時亦酣謂曰卿  
兄殺郡守弟殺其君袖提帝首衣染天血如卿兄弟有何  
名稱稷曰臣乃無名稱至於陛下不得言無勲東昏暴虐  
義師亦來伐之豈在臣而已帝詰其鬚曰張公可畏人中  
亦陸杲彈稷云領軍張稷門無忠貞官必險達殺君害主

業以為常武帝留中竟不問累遷尚書左僕射帝將幸稷  
宅以盛暑留幸僕射省舊臨幸供具皆醜太官饌直帝以  
稷清貧手詔不取入宋時武帝經造張永至稷三世並降萬  
乘論者榮之稷雖居朝右每慙口實乃名其子伊字懷尹  
霍字希光峻字農人同字不見見字不同以旌其志既懼  
巨恨乃求出許之出為青冀二州刺史不得志常閉閣讀  
佛經禁防寬弛僚吏頗致侵擾州人徐道角等夜襲州城  
乃害之有司奏削爵土稷性明烈善與人交歷官無畜聚  
奉祿皆頒之親故家無餘財為吳興太守下車存問遺老  
引其子孫置之右職政稱寬恕初去郡就僕射徵道止吳

南史列傳二十一  
鄉人候稷者泐水陸稷單裝徑還都下人莫之識其率素如此稷長女楚媛適會稽子氏無子歸宗至逢稷見害女以身蔽刃先父卒稷與族兄充融卷俱知名時見云充融卷稷爲四張卷字令遠少以和理著稱能清言位都官尚書天監初卒稷子嶷

嶷字四山稷初爲剡令至嶷亭生之因名嶷字四山少敦孝行年三十餘猶班衣受稷杖動至數百收淚歡然方雅有志操能清言感家禍終身蔬食布衣手不執刀刃不聽音樂第淮言氣不倫嶷垂泣訓誘起家祕書郎累遷鎮南湘東王長史尋陽太守王暕曰玄言因爲之筮得節卦請

嶷曰卿後當東入爲郡恐不得終其天年嶷曰貴得其所耳時伏挺在坐曰君王可畏人也還爲太府卿吳興太守侯景圍建鄴遣弟儼率郡兵赴援城陷御史中丞沈浚遣難東歸嶷往見之謂曰賊臣憑陵人臣効命之日今欲收集兵刃保據貴鄉雖復萬死誠亦無恨浚固勸嶷舉義時邵陵王倫東奔至錢唐聞之遣前舍人陸兵公板授嶷征東將軍嶷曰天子蒙塵今日何情復受榮號留板而已賊行臺劉神茂攻破義興遣使說嶷嶷斬其使仍遣軍破神茂侯景乃遣其中軍侯子鑿助神茂擊嶷嶷軍敗乃釋戎服坐於聽事賊臨刃終不屈執以送景景將上之嶷曰

速為幸乃殺之子弟遇害者十餘人景欲存其一子燦  
曰吾二門已在鬼錄不就爾則求恩於是皆死賊平元帝  
追贈侍中中衛將軍開府儀同三司謚忠貞子燦弟罍知  
名

種二士苗永從孫也祖辯宋大司農廣州刺史父略太子  
中庶子臨海太守種少恬靜居處雅正傍無造請時人語  
曰宋稱敷演梁則卷充清厲學尚種有其風仕梁為中軍  
宣城王府主簿時已四十餘家貧求為始豐令及武陵王  
紀為益州刺史重選府僚以種為左西曹掾種辭以母老  
為有司奏坐黜免侯景之亂奉母東奔鄉里母卒種時上

五十而毀瘠過甚又迫以凶荒未葬服雖畢居家飲食恒  
若在喪景平初司徒王僧辯以狀奏起為中從事并為具  
葬禮葬訖種方即吉僧辯又以種年老無子賜以妻及居  
處之具陳武帝受禪為太常卿歷位左戶尚書侍中中書  
令金紫光祿大夫種沈深虛靜識量宏博時以為宰相之  
器僕射徐陵嘗抗表讓位於種以為宜居左執其為所推  
如此卒贈特進謚元子種仁怒寡欲雖歷顯位家產屢空  
終日晏然不以為病太建初女為始興王妃以居處僻陋  
特賜宅一區又累賜無錫嘉興縣秩嘗於無錫見重囚在  
獄天寒呼囚暴日遂失之帝大笑而不深責有集十四卷

稜亦清靜有識度位司徒左長史贈光祿大夫  
論曰張裕有宋之初早參霸政出內所歷皆莫非清顯請  
垂荷崇構克舉家聲其善譽所歸豈徒然也思曼立身  
素殆人望乎夫濯纓從事理存無二取信一主義絕百心  
以永元之末人憂塗炭公喬重圍之內首創大謀而旋見  
猜嫌又况異於斯也然則士之行已可無深議四山赴  
之方可謂矯其違矣

列傳第二十一

南史三十一

列傳第二十二

南史三十二

張邵子敷

寶積

徐六

暢子

六

延壽

張邵字茂宗會稽太守裕之弟也初為晉琅邪內史王誕  
龍驤府功曹桓玄徒於所

謹流涕追送時寇亂年

敞先為尚書以荅微及武帝討桓玄

邵白敞表獻忠款帝大悅命

軍法論事平以敞為吳郡太守

簿劉毅位居亞相好士愛才當莫不輒湊唯邵不往親

故怪而問之邵曰主公命世人係何煩多則劉穆之言於  
帝帝益親之轉太尉參軍署長流賊曹廬循至蔡洲武帝  
至石頭使邵守南城時百姓水際望城旁不解其意以問  
邵邵曰節鉞未及奔散之不暇亦何暇觀望今當無復恐  
耳帝以邵勤練憂公重補州主簿邵悉心政事精上  
及誅劉藩邵時在西州直廬即夜誡眾曹曰大軍當入討  
可各各條倉庫及舟舩人領至曉取辦旦日帝求諸簿最  
應時即至怪問其速曹曰宿受張主簿處分帝曰張  
邵可謂同人憂慮矣年世子始開征虜府以邵補錄  
參軍轉號中軍遷諮議參軍領記室十一年武帝北伐

請見曰人生危脆宜有遠慮若穆之邂逅不幸誰可

之尊業如此若有不謂則處分云何帝曰此自委穆之

卿耳青州刺史祗鎮廣陵輒率眾至滁中掩討亡

穆之慮其為變議欲遣軍邵曰檀韶據中流道濟為軍首

若有相疑之跡則大府立危不如逆遣慰勞必無患也祗

果不動及穆之暴卒朝廷惟懼便發詔以司馬徐羨之代

邵獨曰今誠急病任終在徐然世子無專行之義宜須諮信

反方使世子出命曰朝廷及大府事悉諮徐司馬其餘啓

還武帝善其臨事不撓得大臣節十四年世子改授荊州

邵諫曰儲貳之重四海所繫不宜外出敢以死請世子竟

不行文帝為中郎將荊州刺史以邵為司馬領南郡相衆  
事悉決於邵武帝受命以佐命功封臨沮伯分荊州立湘  
州以邵為刺史將署府邵以長沙內地非用武之國置府  
妨人乖為政要從之荊州刺史謝晦反遺書要邵邵不發  
函使呈文帝元嘉五年轉征虜將軍領寧蠻校尉雍州刺  
史加都督初王華與邵不和及華參要親舊為之危心邵  
曰子陵方弘至公豈以私隙害正義是任也華實舉之及  
至襄陽築長圍脩立堤堰創田數千頃公私充給丹浙二  
州蠻屬為寇邵誘其帥竝出因大會誅之遣軍掩其村落  
悉禽既失信羣蠻所在竝起水陸路斷七年子敷至襄陽

人省當還都羣蠻欲斷取之會蠕蠕國獻使下蠻以為是  
敷因掠之邵坐降號揚烈將軍江夏王義恭鎮江陵以邵  
為撫軍長史持節南蠻校尉九年坐在雍州營私畜取贓  
貨二百四十五萬下廷尉免官削爵土後為吳興太守卒  
追復爵邑謚曰簡伯邵臨終遺命祭以菜果律席為轎車  
諸子從焉長子敷

敷字景胤生而母亡年數歲問知之雖童蒙便有感慕之  
色至十歲許求母遺物而散施已盡唯得一扇乃緘錄之  
每至感思輒開筭流涕見從母悲感哽咽性整貴風韻甚  
高好讀玄言兼屬文論初少邵使與高士南陽宗少文談

繫象往復數番少文每欲屈握麈尾歎曰吾道東矣於是  
名價日重宋武帝聞其美召見奇之曰貞千里駒也以爲  
子中軍參軍數見接引累遷江夏王義恭撫軍記室參  
軍義恭就文帝求一學義沙門會敷赴假還江陵入辭文  
帝令以後車載沙門往謂曰道中可得言晤敷不奉謹曰  
臣性不耐雜上甚不悅遷正員中書郎敷小名檀父邵小  
名黎文帝戲之檀何如黎荅曰黎是百果之宗檀何敢  
比也中書舍人狄崇周赧竝管要務與敷同省各家欲詰之  
赧曰彼若下相容接便不如勿往詎可輕行當日吾等竝  
已負外郎矣何憂不得共坐敷先設二牀去壁三四尺

二客就席數呼左右曰移我遠客赧等失色而去其自標  
遇如此善持音儀盡詳緩之致與人別執手曰念相聞餘  
響及之不絕張氏後進皆慕之其源起自敷也遷黃門侍  
郎始與王濬後將軍司徒左長史未拜父在兵興亡成服  
凡十餘日始進水漿葬畢不進鹽菜遂毀瘠成疾伯父茂  
度每止譬之輒更感慟絕而復續茂度曰我莫譬汝有益  
但更甚耳自是不復往未朞而卒孝武即位詔旌其孝道  
追贈侍中改其所居稱孝張里敷弟東襲父封位通直郎  
東勇力手格猛獸元凶以爲輔國將軍孝武至新亭東出  
奔墜淮死子式嗣弟冲



冲字思約出繼伯父敷冲母戴顯女有儀範張氏內取則  
焉冲少有至性隨從叔永為將帥除盱眙太守永征彭城  
遇寒軍人足脛凍斷者十七八冲足指皆瘡齊永明八年  
為假節監青冀二州行刺史事冲父初卒遺命祭我必以  
鄉土所產無用牲物冲在鎮四時還吳國取果菜每至熟  
嘗輒流涕薦焉仍轉刺史永元二年為南兖州刺史遷司  
州裴叔業以壽春降魏又遷冲南兖州刺史竝未拜崔慧  
景事平徵建安王寶暉還都以冲為舒州刺史一歲之中  
頻授四州刺史至是乃受任封定襄侯梁武帝起兵手書  
喻意又遣辯士說之冲確然不回東昏遣驍騎將軍薛元

嗣制局監暨榮伯領兵及糧運送冲使拒西師元嗣等懲  
劉山揚之敗疑冲不敢進停住夏首浦聞梁武師將至元  
嗣榮伯相率入郢城時竟陵太守房僧寄被代還至郢東  
昏敕僧寄留守魯山除驍騎將軍僧寄謂冲曰下官雖未  
荷朝廷深恩實蒙先帝厚澤蔭其樹者不折其枝實欲微  
立塵劾冲深相許諾共結盟誓分部拒守遣軍主孫樂祖  
數千人助僧寄援魯山岸立城壘明年二月梁武圍魯山  
城遣軍主曹景宗等過江攻郢城冲中兵參軍陳光靜等  
間出擊之光靜戰死冲固守不出病將死厲府僚以誠節  
言終而卒元嗣榮伯與冲子孜及長史江夏程茂固守東

昏詔贈沖散騎常侍護軍將軍元嗣等處圍城之中無他  
經略唯迎壽子文及蘇侯神日禺中於州聽上祀以求福  
鈴鐸聲晝夜不止又使子文導從登陴巡行旦日輒復如  
之識者知其將亡僧寄病死孫樂祖窘以城降郢被圍二  
百餘日士庶病死者七八百家魯山陷後二日程茂及元  
嗣等議降使攷為書與梁武帝沖故吏青州中從事房長  
瑜謂攷曰前使君忠貫昊天操愈松竹郎君但當端坐畫  
一以荷析薪若天運不與幅巾待命以下從使君今若隨  
諸人之計非唯郢州士女失高山之望亦恐彼所不取也  
不從卒以郢城降時以沖及房僧寄比臧洪之被圍也贈

### 僧寄益州刺史

暢字少微邵兄禘子也禘少有操行為晉琅邪王國郎中  
令從王至洛還京都武帝封藥酒一罌付禘使密加醜  
毒受命於道自飲而暢少與從兄敷演鏡齊名為後進  
之秀起家為太守徐佩之主簿佩之被誅暢馳出奔赴制  
服盡哀為論者所美弟牧嘗為獠犬所傷醫云宜食蝦蟇  
牧甚難之暢含笑先嘗牧因此乃食創亦即愈累遷太子  
中庶子孝武鎮彭城暢為安北長史沛郡太守元嘉二十  
七年魏太武南征太尉江夏王義恭統諸軍出鎮彭城太  
武親率大衆去彭城數十里彭城衆力雖多軍食不足義

恭欲棄彭城南歸計議彌日不定時歷城衆少食多安北  
中兵參軍沈慶之議欲以車營爲函箱陳精兵爲外翼奉  
二王及妃媛直趨歷城分城兵配護軍將軍蕭思話留守  
太尉長史何勗不同欲席卷奔鬱洲自海道還都二議未  
決更集羣僚謀之暢曰若歷城鬱洲有可至之理下官敢  
不高讚今城內乏食百姓咸有走情但以關扃嚴固欲去  
莫從耳若一旦動脚則各自散走欲至所在何由可得今  
軍食雖寡朝夕猶未窘罄豈有捨萬安之術而就危亡之  
道若此計必用下官請以頸血汚君馬跡孝武聞暢議謂  
義恭曰張長史言不可異也義恭乃止魏太武得至仍登  
城南亞父冢於戲馬臺之蓮屋先是隊主崩應見執其日  
晡時大武遣送雁至小市門致意求甘蔗及酒孝武遣人  
送酒二器甘蔗百枚路明日大武又自上戲馬臺復  
遣使至小市門求與孝武相見遣送駱駝并致雜物使於  
南門受之暢於城上與魏尚書李孝伯語孝伯問君何姓  
答云姓張孝伯曰張長史暢曰君何得見識孝伯曰君聲  
名遠聞足使我知因言說久之城內有具思者嘗在魏義  
恭遣視知是孝伯乃開門進餉物太武又求酒及甘橘暢  
宣孝武言又致螺盃雜粽南土所珍太武復令孝伯傳語  
曰魏主有詔借博具暢曰博具當爲申致六詔之言政可

施於彼國何得稱之於此孝伯曰鄰國之君何為不稱詔於鄰國之臣暢曰君之此稱尚不可聞於中華況在諸王之貴而獨曰鄰國之君邪孝伯曰魏王言太尉鎮軍又關南信殊當憂豈若欲遣信當為護送暢曰此方間路甚多不復以此勞魏主孝伯曰亦知有水路似為白賊所斷暢曰君著白衣故稱白賊邪孝伯大笑曰今之白賊亦不異黃巾赤眉暢曰黃巾赤眉似不在江南孝伯曰亦不離青徐暢曰今者青徐實為有賊但非白賊耳又求博具俄送與太武又遣送氈及九種鹽并胡豉云此諸鹽各有所宜白鹽是魏主所食黑者療腹脹氣滿細刮取六銖以酒服之

胡鹽療目痛柔鹽不用食療馬春創赤鹽駁鹽臭鹽馬齒鹽四種竝不中食胡豉亦中噉人求黃甘并云魏主致意太尉安北何不遣人來至我間彼此之情雖不可盡要須見我小大知我老少觀我為人若諸佐不可遣亦可使僮來暢又宣言答曰魏主形狀才力久為來往所具李尚書親自銜命不患彼此不盡故不復遣信又云魏主恨向所送馬殊不稱意安北若須大馬當更送之脫須蜀馬亦有佳者暢曰安北不乏良駒送自彼意非此所求義恭又餉炬燭十挺孝武亦致錦一匹又曰知更須番針誠所吝但會不足周彼一軍向給魏主未應便多故不復重付太武

復求甘蔗安石榴暢曰石榴出自鄴不亦當非彼所之孝  
伯曰君南士膏梁何為著屨君而著此使將士云何暢曰  
膏梁之言誠為多愧但以不武受命統軍戎陣之間不容  
緩服太武又遣就二王借篋篋琵琶箏笛等器及棊子孝伯  
辭辯亦北土之美暢隨宜應答吐屬如流音韻詳雅風儀  
華潤孝伯及左右人竝相視歎息時魏聲云當出襄陽故  
以暢為南譙王義宣司空長史南郡太守三十年元凶殺  
逆義宣發哀之日即便舉兵暢為元佐位居僚首哀容俯  
仰蔭映當時舉哀畢改服著黃袴褶出射堂簡人音姿容  
止莫不矚目見者皆願為盡命事平徵為吏部尚書封夷

道縣侯義宣既有異圖蔡超可以暢人望勸義宣留之乃  
解南蠻校尉以授暢加冠軍將軍領丞相長史暢遣門生  
荀僧寶下都因顏竣陳義宣與戒僧寶有私貨停巴陵不  
時下會義宣起兵津路斷絕僧寶遂不得去義宣將為逆  
遣嬖人翟靈寶告暢暢陳必無此理請以死保之靈寶知  
暢不回勸義宣殺以徇衆賴丞相司馬竺超人得免進號  
撫軍別立軍部以收入望暢雖著文檄而飲酒常醉不省  
文書隨義宣東下梁山戰敗於亂兵自歸為軍人所掠衣  
服都盡遇右將軍王玄謨乘輿出營暢已得敗衣因排玄  
謨上與玄謨意甚不悅諸將請殺之隊主張世營救得免

執送都下廷尉尋見原起爲都官尚書轉侍中代子淹領  
天子右衛率孝武宴朝賢暢亦在坐何偃因醉曰張暢故  
是奇才同義宣作賊亦能無咎其才何以致此暢乃厲聲  
曰太初之時誰黃其閣帝曰何事相苦初元凶時偃父尚  
之爲元凶司空義師至新林門生皆逃尚之父子與婢妾  
共洗黃閣故暢譏之孝建二年出爲會稽太守卒謚曰宣  
暢愛弟子輯臨終遺命與輯合墳論者非之暢弟悅亦有  
美稱歷侍中臨海王子瑱前軍長史南郡太守晉安王子  
勳建僞號召拜爲吏部尚書與鄧琬共輔僞政事敗悅殺  
琬歸降復爲太子中庶子後拜雍州刺史泰 六年明帝

於巴郡置三巴校尉以悅補之加持節輔師將軍領巴郡  
太守未拜卒暢子浩官至義陽王昶征北諮議參軍浩弟  
淹黃門郎封廣晉縣子太子左衛率東陽太守逼郡吏燒  
臂照佛百姓有罪使禮佛贖愆動至數千拜坐免官禁錮  
起爲光祿勳臨川內史後與晉安王子勳同逆軍敗見  
殺淹弟融

融字思光弱冠有名道士同郡陸脩靜以白鷺羽塵尾扇  
遺之曰此旣異物以奉異人解褐爲宋新安王子鸞行參  
軍王母殷淑儀薨後四月八日建齋并灌佛僚佐觀者多  
至一萬少不減五千融獨注觀百錢帝不悅曰融殊貧當

序以佳祿出爲封溪令從叔永出後渚送之曰似聞朝日  
汝尋當還融曰不患不還政恐還而復去及行路經嶂嶮  
獠賊執融將殺食之融神色不動方作洛生詠賊異之而  
不害也浮海至交州於海中遇風終無懼色方詠曰乾魚  
自可還其本鄉肉脯復何爲憂哉又作海賦文辭詭激獨  
與衆異後以示鎮軍將軍顧覲之覲之曰卿此賦實超玄  
虛但恨不道鹽耳融即求筆作曰漉沙構白熬波出素積  
雪中春飛霜暑路此四句後所足也覲與融兄有恩好覲  
卒融身負墳土在南與交趾太守卞展善展於嶺南爲人  
所殺融挺身奔走舉秀才對策中第爲尚書殿中郎不就

改爲儀曹郎尋請假奔叔父喪道中罰幹錢敬道鞭撻  
十寄繫延陵獄大明五年制二品清官行僮幹杖不得出  
十爲左丞孫緬所奏免官復位攝祠部君部二曹時領軍  
劉劭戰死融以祠部議上應哭劭見從又俗人忌以正月  
開太倉融議不宜拘束小忌尋兼掌正厨見宰殺回車徑  
去自表解職再遷南陽王友融父暢爲丞相長史義宣事  
難暢將爲王玄謨所殺時玄謨子瞻爲南陽王長史融啓  
求去官不許融家貧欲祿乃與從叔征北將軍永書曰融  
昔幼學阜訓家風雖則不敏率以成性布衣韋帶弱年所安  
簞食瓢飲不覺不樂但世業清貧人生多待榛栗棗脩文

贊既長束帛禽鳥男禮已大勉身就官十年七仕不欲代  
耕何至此事昔求三吳一丞雖屬舛錯今聞南康缺守願  
得爲之融不知階級階級亦可不知融政以求丞不得所  
以求郡求郡不得亦可復求丞又與吏部尚書王僧虔書  
曰融天地之逸人也進不辯貴退不知賤實以家貧家積  
私室傷心八姪俱孤二弟頓弱豈能山海陋祿求去之  
阮籍愛東平士風融亦欣晉平閑外時議以融非才  
竟不果辟齊太傅掾稍遷中書郎非其所好乞身去  
夫不許張氏自敷以來竝以理音辭脩儀範爲事至融風  
止詭越坐常危膝行則曳步翹身仰首昔嘗謂其爲

異聚觀成市而融無慙色隨例同行常稽遲不進高帝  
素愛融爲太尉時與融款接見融常笑曰此人不可無一  
不可有二即位後手詔賜融衣曰見卿衣服麤故誠乃素  
懷有本交爾藍縷亦虧朝望今送一通故衣意謂雖欲乃  
勝新也是吾所著已令裁減稱卿之體并履一量高帝出  
太極殿西室融入問訖彌時方登階及就席上曰何乃遲  
爲對曰自地升天理不得速時魏主至淮而退帝問何意  
忽來忽去未有答者融時下坐抗聲曰以無道而來見有  
道而去公卿咸以爲捷融善草書常自美其能帝曰卿書  
殊有骨力但恨無二王法答曰非恨臣無二王法亦恨二王



無臣法融假還鄉詣王儉別儉立此地舉袂不前融亦舉  
手呼儉曰歎曰王前儉不得已趨就之融曰使融不為慕  
勢而令君為趨士豈不善乎常歎云不恨我不見古人所  
恨古人又不見我融與吏部尚書何戢善往詣戢誤通尚  
書劉澄下車入門乃曰非是至戶望澄又曰非是既造席  
視澄曰都自非是乃去其為異如此又為長沙王鎮軍竟  
陵王征北諮議竝領記室司徒從事中郎永明二年摠明  
觀講敕朝臣集聽融扶入就榻私索酒飲之事畢乃長歎  
曰嗚呼仲尼獨何人哉為御史中丞到撫所奏免官尋復  
職融形貌短醜精神清徹王敬則見融革帶寬殆將至髀

謂曰革帶太急融曰既非步更急帶何為融假出武帝  
問融佳在何處答曰臣陸處無屋舟居無水後上問其從  
兄緒緒曰融近東出來有屠止權牽小船於岸上住上大  
突後使融接對北使李道圖就席道固顧而言曰張融  
宋彭城長史張暢子不融頓蹙久之曰先君不幸名達六  
夷豫章王大會賓僚融食炙始行畢行多人便去融欲求  
鹽蒜口終不言方搖食指半日乃息出入朝廷皆拭目驚  
觀之八年朝臣賀眾瑞公事融扶入拜起復為有司所奏  
見原遷司徒兼右長史竟陵張欣時為諸暨令坐罪當死  
欣時父興世討宋南譙王義宣官軍欲殺融父暢興世以

袍覆暢而坐之以此得免與世卒融著高履為土成墳  
至是融啓竟陵王子良乞代欣時死子良荅曰此乃是長  
史美事恐朝有常典不得如長史所懷遷黃門郎太子中  
庶子司徒左長史融有孝義忌月三旬不聽樂事嫂甚謹  
父暢臨終謂諸子曰昔丞相事難吾以不同將見殺緣司  
馬竺超人得活爾等必報其子後超人孫微冬月遭母喪  
居貧融弔之悉脫衣以為賻披牛被而反常以兄事微豫  
章王疑竟陵王子良薨自以身經佐吏哭輒盡慟建武四  
年病卒遺令建白旒無旒不設祭令人捉麈尾登屋復魂  
曰吾生平所善自當陵雲一笑三千買棺無製新衾左手

執孝經老子右手執小品法華經妾二人事哀畢各遣還  
家曰吾生平之風調何至使婦人行哭失聲不須暫停闈  
閤融玄義無師法而神解過人高談鮮能抗拒永明中遇  
疾為問律自序云吾文章之體多為世人所驚汝可師耳  
以心不可使耳為心師也夫文豈有常體但以有體為常  
政當有其體丈夫當刪詩書制禮樂何至因遁寄以籬下  
臨卒又戒其子曰手澤存焉父書不讀況文音情婉在其  
韻吾意不然別遺爾旨吾文體英變變而屢奇豈吾天挺  
蓋不墮家聲汝可號哭而看之融文集數十卷行於世自  
名其集為玉海司徒褚彥回問其故融云蓋玉以比德海

崇上善耳張氏前有敷演鏡暢後有充融卷稷第六弟寶積建武中出為廬陵太守時名流謝瀟何點陸惠曉孔珪至融弟鐵之舍點造坐便曰今日可謂盛集二五我兄弟之流阿六張氏保家之子顧見王思遠曰卿詐作善非實得也二五謂孔珪及融並第五寶積永元中為湘州行事蕭穎胄於江陵乘輿詣穎胄舉動自若穎胄問何至之既答曰本朝危亂四海橫流既不能為比干之死實未忍為微子之去是以至晚穎胄深以為善即用為相府諮議一位御史中丞融與東海徐文伯兄弟厚交伯行德秀僕為太守熙曾孫也熙好黃老隱於秦望山道士過水

留一瓠齋與之曰君子孫宜以道術救世當付二十石熙開之乃扁鵲鏡經一卷因精心學之遂名震海內生子秋夫彌工其術仕至射陽令嘗夜有鬼呻聲甚悽愴秋夫問何須答言姓某家在東陽患苦痛死雖為鬼痛猶難忍請療之秋夫曰云何厝法鬼請為芻人察孔穴針之秋夫如言為灸四處又針肩井二處設祭埋之明日見一人訛思忽然不見當世伏其通靈秋夫生道度及叔嚮皆能精道度有腳疾不能行宋文帝令乘小輿入殿為諸皇子疾無不絕驗位蘭陵太守宋文帝云天下有五絕而皆出錢唐謂杜道鞠彈基范時緒欣遠模書褚胤園基徐

度瘵疾也。道度生文伯叔嚮生嗣伯文伯亦精其業。兼有學行。個儻不屈。意於公卿。不以醫自業。融謂文伯嗣伯曰。昔王微猗叔存。竝學而不能。殷仲堪之徒。故所不論得者。由神明洞徹。然後可至。故非吾徒所及。且褚侍中澄。當貴亦能救人疾。卿此更成不達。荅曰。唯達者知此。可崇不達者多。以為深累。既鄙之。何能不恥之。文伯為効。與嗣伯相埒。宋孝武路太后病。眾醫不識。文伯診之。曰。此石博小腸耳。乃為水劑。消石湯。病即愈。除鄱陽王常侍。遺以千金。旬日恩意隆重。宋明帝宮人患膏痛。牽心。每至輒氣欲絕。眾醫以為肉癥。文伯曰。此髮癥。以油投之。即吐。得物如髮。

稍引之。長三尺。頭已成蛇。能動。挂門上。適盡一髮而已。病都差。宋後廢帝出樂遊苑。所逢一婦人。有娠。帝亦善診之。曰。此腹是女也。問文伯曰。腹有兩子。一男一女。男在邊。青黑形小於女。帝性急。使刺文伯。惻然曰。若刀斧恐其變異。請針之。立落。便為足。太陰補手陽明胎。便應針而落。兩兒相。出如其言。子雄亦傳家業。尤工診察。位奉朝請。能清言。多為貴遊所善。事母孝。謹母。終毀瘠。幾至自滅。俄而兄亡。扶杖臨喪。撫膺一慟。遂以哀卒。嗣伯字叔紹。亦有孝行。善清言。位正員郎。請府佐。為臨川王映所重。時直閣將軍房伯玉服五石散。十許劑。無益。更。以夏日常。獲

衣嗣伯爲診之曰卿伏熱應須以水發之非冬月不可至十一月冰雪大盛令二人夾捉伯王解衣坐石取冷水從頭澆之盡二十斛伯玉口噤氣絕家人啼哭請止嗣伯遣人執杖防閣敢有諫者搗之又盡水百斛伯玉始能動而見背上彭彭有氣俄而起坐曰熱不可忍乞冷飲嗣伯以水與之一飲一升病都差自爾恒發熱冬月猶單禪衫體更肥壯常有媼人患滯冷積年不差嗣伯爲診之曰此尸注也當取死人枕煮服之乃愈於是往古冢中取枕枕已一邊齧缺服之即差後秣陵人張景年十五腹脹面黃衆醫不能療以問嗣伯嗣伯曰此石虻耳極難療當死人枕煮之

依語煮枕以湯投之得大利并虻虫頭堅如石五升病即差後沈僧翼患眼痛又多見鬼物以問嗣伯嗣伯曰邪氣入肝可覓死人枕煮服之竟可埋枕於故處如其言又愈王晏問之曰三病不同而皆用死人枕而俱差何也荅曰尸注者鬼氣伏而未起故令人沈滯得死人枕投之魂氣飛越不得復附體故尸注可差石虻者久虻也醫療既僻虻中轉堅世間藥不能遣所以須鬼物驅之然後可散故令煮死人枕也夫邪氣入肝故使眼痛而見魍魎應須邪物以鈎之故用死人枕也氣因枕去故令埋於冢間也又春月出南籬間戲聞屋中有呻聲嗣伯曰此病甚重更

二日不瘳必死乃往視見一老姥稱體痛而處處有黥黑  
無數嗣伯還煮斗餘湯送令服之服訖痛勢愈甚跳投床  
者無數須臾所黥處皆拔出釘長寸許以膏啗瘡口三  
日而復云此名釘疽也時又薛伯宗善徙癰疽公孫泰患  
背伯宗為氣封之徙置齋前柳樹上明日癰消樹邊便起  
一瘤如拳大稍稍長二十餘日瘤大膿爛出黃赤汁斗餘  
樹為之痿損

論曰有晉自宅淮海張氏無乏賢良及宋齊之間雅道彌  
盛其前則云敷演鏡暢蓋其尤著者也然景胤敬愛之道  
少微立履所由其殆優矣思光行已卓越非常俗所罕齊

高帝所云不可有二不可無一斯言其幾得矣徐氏妙理  
通靈蓋非常所至雖古之和鵲何以加茲融與文伯款好  
故附之云爾

列傳第二十二

南史二十二

阿  
多  
子  
伯  
三  
二

Vertical columns of text, likely bleed-through from the reverse side of the page. The text is mostly illegible due to heavy ink smudges and a large watermark.



